



封内風土記

三柴田郡

ル 4
770
6



儀

封内風土
日
立
書
五

郡邑
郡邑
郡邑
郡邑

田邊希文撰

明治二十八年
九月二十八日
封内

門
號
卷
770
6

柴田郡 東接名取郡西隣羽州界熊嶽草倉山計
多倉山仙人山南連川田亘理伊具三郡北跨名
取郡其田下上其畠下上其負中中其邑三十五
十五邑曰之南方公族伊達主殿村熙附屬步卒
二十邑曰之北方及家僕同柴田藏人成義家僕同福原帶刀資生
家僕芝多主稅信憲家僕小野長七郎寬長家僕
本多弥門信義家僕雜處郡邑之中

堰 凡 五
堤 一
岩 凡 四
山 一
嶽 一
窟 凡 二
道 凡 二十
橋 凡 十八
石 一
石 橋 一

下

人

神社 凡 八十三
佛宇 凡 三十七
寺 凡 五十四
倉廩 凡 兩處
孝子 凡 六人
古壘 凡 十六
川 凡 十三
沼 凡 三
溫泉 一
泉 一

年

人

關一
瀑布凡四
壇一
塚凡二
墓一
坂凡二
舊跡凡四
古寺跡一
大樹凡三
古井一

大河原邑有市店而驛也以下十五邑曰之南方

神社凡三

天神宮 不詳何時勸請

稻荷社 同上

秋葉社 同上

寺凡二

吉祥山祭昌院 曹洞宗本郡邑田龍島院末

寺傳云不詳何時何人開山 後水尾帝寬

永八年九月州山麟藝和尚中興開山

寶龜山最勝院 真言宗川田郡宮驛蓮藏寺

末寺傳云不詳何時何人開山寬永二年二

月實專法印中興開山

道凡九其一大道江府往還其二小道最上往

還其三四各往伊具郡道其五往直理郡道

其六七八九各川田郡道

橋一新堀土橋長廿間半橫一間半

堤邑

神社一

津明神社不詳何時祭何神

大寺一

醫王山持明院真言宗川田郡宮驛蓮藏寺

末寺傳云後奈良帝天文二年照行法印

開山後永尾帝元和二年三月順雄法印

中興

平邑

神社一

大高山神社或作鷹傳云日本武尊用明天皇

相殿祭之神階正一位缺塔一基泉三郎寄

附之白鳥繪額獅山君真筆額後西帝

皇女木覺院宮真筆寄附燈料一石五斗之

地名跡志觀迹聞老志共曰蒞神西南岑鬱地是其社也有寺曰大鷹山大林寺鄉人謂大宮白鳥明神也延喜式所謂大高山神社是也緣起略曰芝田郡平邑大高宮乃十三代欽明帝第四皇子橘豐日尊乃用明天皇也夙齡奉勅遠遊於東方諸國而黜檢庸貢賦歛之事是以太皇都久在於東藩而寓居于此山中其際深慈愛厚恩澤施仁心于民於是人懷民化而親附愛護仰慕皇子猶幼兒之於父母皇子有妃號玉倚姬歲餘而孕

焉皇子曰今於懷胎無乃其有所感與曰妾前霄夢白鳥東方來入于懷抱然後有身皇子曰俞我在東藩來禱白鳥神久矣想夫神之所化乎后妃產兒容貌端正有異相皇子相喜寵異尤深後皇子依詔將還于京師臨別慇懃寄言曰吾將迎小君于皇州夫人諾焉相待已三歲遂絕音耗夫人日夜相思不息瞻戀日久遠望斷腸終癸疾將死乳母者疾之革不耐悲痛之情抱幼兒而臨河畔垂涕說兒曰母后眷戀父君今將殞命君若

神明之所化則湏令身代母后死而遂雙親
再會之志言訖投之水中時幼兒化白鳥飛
揚太后妃亦不幾而薨乳母不堪悶絕之至
輒轉而死鄉人葬之近邑山丘植樹而太爾
後白鳥集于樹上日夜飛鳴不忝鄉人怪之
以狀聞諸皇都皇子聞訃哀痛慘怛不可抑
焉悲嘆之餘使侍臣遺天旗椎劔龍蹄戎具
樂器等于此地官使至於墓陵而述天意言
未終有白鳥一作鷹揚於陵上翻然于空中官
使歸奏于皇子仍命之建白鷹社重令侍臣

遺玉札寶鏡筆硯樂器袍袴等物曰大鷹宮
後皇子繼寶祚為天子崩御之後奉謚謂
之用明天皇所賻之征鞍今猶存形製高
大異今製以螺鈿而雕櫻花前無手形者為
上代製無可疑焉又有古鐙朱內鏡外有鏡
坐徑一寸長可五寸兩郭各以鉄板蔽之或曰
手形者古製不設之平治之役士卒遇大雪
龜手甚不堪磬控馳驅於是鑄田兵衛正清
始製之得其一金瀨驛市人總兵衛者傳襲玉
笛一管來彼祖某一日伐喬木于林下枯朽
已久半空洞伐之而仆焉中獲一古篴長一

尺二寸九分處二漆卷藤笛頭雕菊花紋尤
奮物也鄉老曰是乃往昔山路所用之牧笛
也故其家世藏櫃而猶存焉前條所謂帝
所購樂器之一也世稱用明帝少時欲得
豐後國真野長一女玉世姬仍變姓名号山
路為其家牧奴常好弄笛我州人以為東奧
芝田大高故事用明帝本紀兩無所見且
治世總二年無德行善政之可舉也後人以
億計弘計王仕播磨細目之事見日本書紀
二十四代顯
宗本率合附會傳之乎神社說曰敏達天

皇元年壬辰勸請大鷹宮於平邑又曰崇
峻天皇二年己酉聖德太子分侍臣於四道
贈一級於諸國神社時合祭用明帝后妃
于一宮今大高宮是也山稱大鷹山寺曰大
林寺為之新官邑田白鳥神社乃所祭日本
武尊而為之本宮也按此說與前條不合
敏達元年乃去用明元年己十四年稱大
鷹宮者可疑崇峻二年又去用明二年
稱大高宮且又稱大應山其說紛紛住僧又
舉敏達移社之說是亦不合邑田祭日本

武尊而為之。本宮大林寺僧不取之大林寺
住持曰前邑田定龍寺上京撰邑田平邑緣
起二本來其志則善然旨趣之所歸著實主
邑田神祠而次平邑立言曰當社指邑田所
祭乃日本武尊神靈故為本宮平邑所祭
用明皇子宮故為新宮其謂是皆異我宮社
所傳之說也當社指平邑所祭用明帝神
帳所謂大高山神社川田峯宮所祭乃后妃靈邑田宮
號皇子宮蘆立宮稱乳母宮也又大高宮往
古宮址在小紫邑本社北可二里古昔有

用明帝在藩之故墟鄉人相崇建社于厥地
祭之曰大高宮爾後敏達帝時移社于今
平邑敏達年故鄉俗指舊地而呼皇墟是所
以為帝子故都而稱尊之也然則指邑田而
為本宮平邑為新宮者亦未為得其本旨且
夫神社之於緣起豈假淳屠佛氏之手成之
乎某宿志壹在欲竅博識宏才而因神道家
之正說而修之故邑田所藏緣起本吾未能
信用之也此說按前件用明帝在東
藩之事不見國史及桿說等無他文獻之可徵

矧考諸正史。帝性行不好。且信佛法。未幾
治世二年而崩。尤可疑矣。於其葬。亦磐余池
上陵是也。於皇妃穴。穗部間人之女是也。崩
御年數僅四十八也。若為皇子之時。有東藩
履歷之事。則與殷高宗為王子時其父小乙
欲其知氏之艱苦。故居民間之義。同日之談
而尤可好矣。社家米之何書。而說其說于東
國乎。識者克辨焉。

佛宇九二

藥師堂不詳何時創建

太子堂 同上有菴臨濟黃檗宗而宮城郡吉
成臨濟院末寺也号太子菴
寺凡三

竹嶺山香林寺

曹洞宗仙臺府下輪王寺末

寺傳云 靈元帝延寶三年二月松岩春長

和尚開山

光澤山明增寺

淨土真宗京都本願寺末寺

傳云 後柏原帝永正二年慶善上人開山

大高山大林寺

真言宗城州醍醐報恩院末

寺傳云弘法大師開山不詳其年月

古墨一 名跡志曰平古城今曰青木館相傳柴田四郎子城也蓋所傳非是子城乃船岡城也想夫此地乃支城也

沼凡二

其一 在大高社西名跡志曰鄉人曰之御洗沼古昔神輿修禊之地也

其二 名跡志云大高社北四町餘北臯山下贈田深處往昔國衡沒馬而所獲之地也

東鑑曰文治五年八月十日厚桎已陷主將太國衡駕駿馬單騎逃亡欲踰大關山也有也

小山田

之出羽日既薄桑榆行路更黑揚鞭走和田

義盛追及于宮前田畔國衡回轡而注義盛

先射之徹肘時畠山重忠將大兵而襲來義

盛又注未幾國衡馳馬忽没于贈田加策不

敢進遂為重忠從者大串三郎所討獲其乘

馬歸此馬乃邦内之良驥蹄高館驪平日一

日而三登于峻嶺不曾屈今日遂巡不進困

于此遂陷水田後人謂之獲馬沼今鄉黨為

間田而止耕芸又邑中有老農助八郎者其

先近江之產古之猪早太後裔家藏一刀其

作三條，小鍛治宗，近相傳古刺，鶴之名刀也。

川一

白石川

新寺邑

寺一

東嶽山，洞秀院。曹洞宗，越後州定明寺末寺。

傳云，四條帝仁治元年，巨山禪益和尚開

山，蓋其不營而自抽，因南而西，而

小山田邑

佛宇一

萬壽不動堂

傳云

後水尾帝寬永二年創建

寺九二

松谷山，長壽院。曹洞宗，本郡新寺邑洞秀院。

末寺傳云，後陽成帝慶長十五年，法月三

說和尚開山

流王山，教性院。真言宗，本郡舟迫邑大光院。

末寺不詳，何時何人開山。

古墨一

名跡志曰，小山田筑前

傳不，故墟也。筑

前伊達勇將武毅出于衆，後陽成帝天正

十六年戊子二月戰於志田郡師山筑前以
手鎗刺敵又追一人殘雪平白地面不辨誤
馳馬陷泥中策之不奮敵兵蜂集為所刺死
其晨所乘馬有言人傳為怪傳言此日氏家
總二郎者交槍彼所擊入內胄傷然不敢屈
將擊總二郎敵兵又刺左股四竈尾張從者
繼來筑前猶勇猛捆之投之已六七尺遂為
眾兵所討

薄木邑

神社一

新山權現社下不詳何時勸請

寺一

龍象山月藏寺真言宗仙臺府下寶光院末

寺傳云不詳何時何人開山後光明帝兼

應三年長海法印中興

關場邑

神社九三

愛宕神社不詳何時勸請

稻荷神社同上

雲南權現社傳云靈元帝寬文十三年勸

諸市文 按寬文十三年改元延寶

寺九二

光峯山龍泉院 曹洞宗本郡邑田龍島院末

寺傳云洞翁和尚開山不詳其年月 後陽

成帝慶長中州山麟藝和尚中興

無畏山靈感寺遺址 不詳何時何人開山今

荒廢惟存其名有觀音木佛及鳧鐘号楊柳

觀音弘法大師作今安置于龍泉院名跡志

曰鄉人曰地高木且相傳古寺跡也然不詳

其地南山下有寺曰高峯山龍泉院有木佛

山正觀音空海作又有古鳧鐘記曰 後光嚴

帝應安七年甲寅奥州柴田郡高木鄉無畏

山靈感寺住僧得秀所寄附也

川一

荒川 源出自足立邑山嶺而至沼邊邑會新

川

堰一 引荒川新川為本邑及沼邊兩邑用水

沼邊邑

神社九三

愛宕神社 不詳何時勸請

八龍權現社 同上

淺間神社 同上 名跡志曰葛西紀伊建之今

荒廢有社址土人誤曰淺間堂

寺一

龍頭山洞昌寺 曹洞宗木郡沼田邑自得寺

末寺傳云 後陽成帝天正十九年八月舜

一 察和尚開山

孝子一人 邑民清八自幼事又母致孝鄉黨稱

之 櫻町帝寬延元年十二月賜金賞之

山一 五 音 空 武 村 又 亦 古 長 鏡 給 可 元 刻 米 羅

並 神山高谷跡志曰在船迫大河原道路傍

落崔嵬臨行路上山多黃並土人以為山神

之靈也仍曰之並神山又其地岩畔生石澗

檜采栽之庭除以愛之此邊皆古戰場也

墓一

輝井墓 有石碑名跡志曰並神山西北有石

墳文治之役藤泰衡從者輝井太郎高直戰

死于此塵死于山下其說不見于東鑑等

舊跡凡四

輝井橋 名跡志曰山下有圮橋輝井接兵之

地今日之輝井橋長十九間橫二間
洗元水 名跡志曰太橋北十四間餘山下田

中有小地高直戰死從者藏主人首于池中
人知之得之水底洗之其血淋漓池水已紅
至今水色猶往昔

戰士塚 土人呼之十塚名跡志曰去並神西
南三十餘町墳墓累是乃文治之役士卒
戰死之地以其多而呼曰之十塚也半為野

田立石山高廿丈三尺許濶七尺許帝政按名跡

湘志曰濶一丈九尺高二丈餘今與土人旣言

詠異未審

古墨一名跡志曰土人曰女軍館沼邊玄蕃居

川一

新川 小川也源出自本郡小泉邑山嶺而會

荒川入白石川

堰一引川田郡松川為木邑及平大河原三邑

其用水

橋九土各土橋

其一、二、五、各架荒川共長十二間橫一丈

其三、四、五、各架新川共長六間橫一間半

沼田邑

佛宇一

藥師堂不詳何時創建

寺一

龍首山自得寺

曹洞宗相馬同慶寺末寺傳

後奈良帝天文八年仲菴和尚開山

福田邑

佛宇一

藥師堂不詳何時創建

塚一

國衛塚名跡志曰是亦在社西田畔相公已

三町餘有塚植杉乃國衛中義盛之箭為大

串所討之地後人築一堆之塚而稱其地

大谷邑

神社九

熊野神社二稱上下共不詳何時勸請

寺九

月台山寶泉寺曹洞宗本郡沼田邑自得寺

末寺傳云正親町帝天正七年舜察和尚

開山 谿雄山安淨寺 淨土真宗京都本願寺末寺

傳云 後奈良帝天文四年道圓和尚開山

孝子一人 邑民長作家貧能事父母奉養盡心

其子源四郎亦事其父母致孝共勵農業賦

稅無滯鄉人稱之 櫻町帝寬延二年三月

各賜金賞之 堀一 引川田郡白石川為本邑及舟岡上下各

引川田郡白石川為本邑及舟岡上下各

船岡邑未有市店而驛也公族柴田藏人成義采邑

神社凡四 普門寺 古尊寺 本願寺 大寺

八幡宮 不詳何時勸請

愛宕神社 同上 山陰郡山形縣

新山權現社 同上 山陰郡山形縣

大鷹神社 同上 山陰郡山形縣

佛宇凡二 佛宇 佛宇

藥師堂 不詳何時創建

辨財天堂 同上 山陰郡山形縣

寺凡四 山陰郡山形縣

妙高山大光寺 曹洞宗伊具郡金山瑞雲寺

末寺傳云 後奈良帝天文十六年雲州全

利和尚開山

妙法山蓮華寺 日蓮宗仙臺府下孝勝寺末

寺傳云日宗上人開山不詳其年月

岩松山惠林寺 曹洞宗登米郡米谷邑東陽

寺末寺傳云用山全應和尚開山不詳其年

月

本第山普門寺 真言宗本郡舟迫邑大光院

末寺傳云 東山帝元祿五年祐舜法印開

山天女新寺

古寺跡一井傳云古昔有寺号久圓寺失山号不

詳何時何人開山而何宗

古墨一 号四保館公族柴田家曩祖四保四郎

傳不所居今其子孫相繼居之名跡志曰鄉

人曰舟岡城或号四保館乃柴田次郎故墟

也牙城方四十間二郭三十間遠七十間三

郭方七十間地勢峻峻東南有大湖西有並

倉湖東有内湖北湛阿武隈河可謂鐘地利

之衆美之堅城也鄉說數條雖不可信古來

往夕傳說而遺口碑故舉而記之柴田氏古
往全盛之時倉有一囊粟食而難竭篋有一
片帛裁而無盡庭有一甘泉汲而不涸又曰
城上有古井出蛟綃裁之累年不斷城主
性貪婪而無飽他日怪其無盡藏令人縮之
驢尾而馳驅緣於井上其長二三百餘丈蛟
綃稍盡有青小蛇附綃尾而出走去失所在
自是無其物有矣或曰向所記粟米布帛亦
出於井底又曰城上有池塘以晚春廿日每
歲天女降舞于池上有不期而見之者此數

下谷五
說奇怪妄談不可信也姑記之以備事實東
鑿曰羽林賴家屢召芝田次郎稱病不至於
是正治三年九月四日令宮城四郎攻柴田
城時工藤行光從者藤五藤三者自東奧還
于鎌倉偶聞之白河關自是往援宮城軍拔
其城星大有戰功於是城主終亡

中川一

白石川
道一
往伊具郡道

上名生邑

神社九二

八幡宮 不詳何時勸請

貴船神社 同上

中名生邑

神社一

熊野神社 不詳何時勸請

寺一

寶生山德成寺 曹洞宗仙臺府下松音寺末

寺傳云林後西帝寬文二年門藝和尚開山

下名生邑

神社九四

八劍明神社 不詳何時勸請

八幡宮 同上

鹿島神社 同上

二渡權現社 同上其社荒廢惟存遺址

塚一 傳云往古有大蛇八劍神斬其蛇而埋劍

處

大樹二株 榎共周圍一丈五尺餘傳云往古塵

大蛇處

古井一 傳云源義家朝臣東征之時所用之井

古井也

川九二

大白石川

阿武隈川

船迫邑 有市店而驛也以下二十邑曰之北方

神社九四

熊野神社 傳云往古源朝臣重之所勸請也

不詳其年月希文按源重之者村上帝時

人而嘗為本州刺史其任國時勸請也州為本

史事見玉葉集

二渡権現社 傳云熊野末社而同人勸請

牛頭天王社 不詳何時勸請

愛宕神社 同上

佛宇九三

藥師堂 不詳何時創建

太子堂 同上

鐵佛堂 有鍍佛四體長三尺許記曰文永三

年己寅四月朔日傳云古昔有立石長者者

建之長者所居之故址至今偶出古尾本邑

有變則鍍佛生汗故土人稱之生汗阿彌陀

觀迹聞老志名跡志共曰船迫西農家有小
堂鄉隣曰寺宅堂中有鍊佛四軀蓋舊時安
置五智如來而欠其一者也各南面高可三
尺俱並坐第一胸間有文字消燬不詳書碑
支佛字者半左有綿字欠上下文字不知其
由也第二有山字其下字滅下有法師字尤
記文永三年丁子十月三日第三左有氏字
右有行阿彌陀佛字不知何年何人安置之
半文字多爛滅屢罹回祿者也其西有寺曰松
二光山神宮寺修真言彼佛像亦往時寺院舊

物歟被白綿于各佛頂上問之土人曰每年
蠶事畢而奉之告成功第一佛胸下綿字有
故而書因茲農家寄附而告蠶成之事者也
文永八十九代龜山帝七年是歲無丁子
丁丙寅至今幾四百八十餘年爛壞亦互哉
希文按土人所言為文永三年己寅四月朔
日與二書所記異也六十甲子有丁丑己丑
而無丁子己寅之連續歷年之久且罹回祿
文字漫滅不分明臆度其文字而誤之也且
十月三日四月朔日其月日之所異亦然

寺凡三

松光山神宮寺大光院 真言宗城州醍醐報

恩院末寺傳云 往古柳木紀僧正開山不

詳其年月 靈元帝延寶三年三月祐舜法

印中興

流水山長久寺千手院 真言宗本邑大光院

末寺不詳何時何人開山

熊野山法明坊寶珠院 天台宗妻帶羽州羽

黑山執行若王寺末寺不詳何時何人開山

古墨一 不詳何人所居傳云文治之役賴朝卿

二夜留宿于此墨

泉一 号蜂泉在槻木船迫西驛之間古來有其

名生偏葉蘆今甚少

榭葉岩 名跡志曰太白幡寺在入間數十町有

土塚自是三十餘步路傍有白碧巖割之則

片々有紋理木葉鮮明而如真風流雅玩可

愛土人曰之柏葉石乃榭葉也神社啟蒙曰

御崎在出雲國出雲郡出雲郷也天下地主

神也社記曰八束水神名神記曰八握髮尊

者素盞鳥別稱也蓋八握髮生之縁也問當

宮有紋石者石面有柏葉如良工雕刻而雖
為數片其紋猶存相傳稱神紋是也否曰按
名神記出雲國日碕山有柏葉紋形石神代
昔平國而後登熊成峯而為柏台曰吾欲住
於柏葉之所止也遂隨風止於此地故至今
示其幽契此事實與此地紋石偶合記以備
參考

堰九二 其一各取郡岩沼南北長谷堀內押分
泉一下野鄉二倉早又寺島九邑用水其二本邑
及入間野四日市場三邑用水

沼一 號中內沼長三百六十間橫四十七間餘
道一 江府往還

入間野邑 有彌槻木地有市店驛也今土人誤呼
曰槻貫

神社一
八幡宮 傳之源義家朝臣東征之時所勸請
也

佛宇九二
藥師堂 不詳何時創建傳云本尊行基所造
觀音堂 在東禪寺中号柏碕地此邊處有

柏葉文理之石傳云小野小町護持之本尊
也不詳何時創建古之本尊為盜賊失之今
所安置者新佛也又古昔有稱小野小町年
掛松登奈計乃橋年掛松以蟠松而妨往來
七八十年前伐之其執斧者立死寺僧亦狂
死登奈計乃橋亦今失其地何處

寺凡二

衣關山東禪寺 曹洞宗仙臺府下松音寺末
寺傳云殆及千年古刹也中古荒廢是以不
詳何時何人開山民國和尚中興古昔稱關

寺

成就山白幡寺滿藏院 真言宗本郡舟迫邑
大光院末寺傳云不詳往古何時何人開山
中古罹回祿荒廢已久宥閑法印中興其年
月不傳八幡宮別當也源義家朝臣納白旗
於社內回祿之時失之初稱陽就山 肯山
君命改稱成就山名跡志觀迹聞老志共曰
本槻樹驛數町路旁有神祠祀正八幡有寺
曰成就山白幡寺古昔八幡太郎義家朝臣
東征之日立白幡于此地今寺南有号白幡

宅ヤシキ今寺曰滿藏院即白幡寺別稱也

倉廩四 雜穀

古墨一 不詳何人所居墨下有竈石二個傳云

古昔墨圭之竈也

槻樹 在滿藏院門前驛名本之傳云一日霹靂

于樹上燒失後人栽新樹以代之存舊名

川一

阿武隈川白石川會于此而為一川濶五町十

八間

道九三

- 其一 江府往還
- 其二 歷舟迫驛往伊具郡道
- 其三 弓碕渡航往互理郡道

四日市場邑

神社一

雲南権現社 不詳何時勸請

寺一

南陽山名川寺 曹洞宗仙臺府下松音寺末

寺傳云南陽和尚開山不詳其年月

川一

阿武隈川 偏岸屬本邑

橋凡三各土橋

其一 在五間堀

其二 在号平野前地

其三 在号炭釜地共長五間半橫二間

上川名邑

神社一

鹿島神社 不詳何時勸請

寺一

梅澤山能化寺 曹洞宗亘理郡小堤邑常圓

寺末寺傳云 後水尾帝寬永元年四月蟠

國和尚開山

富澤邑

神社一

新山権現社 不詳何時勸請

寺凡二

青松山常光寺 曹洞宗登米郡米谷邑東陽

寺末寺傳云一翁和尚開山不詳其年月

羽黒山蓮性院 真言宗本郡舟迫邑大光院

末寺不詳何時何人開山

大佛巖 名跡志曰山下岩面雕大佛像座佛長八尺九方記六字名号右方有嘉元四年丙午卯月二日為父立十四字希文按嘉元四年後二條帝五年而改元德治

入間田邑

神社九三

牛頭天王社 傳云紀州藤白郡產鈴木三郎重家之氏神也高館之役重家戰死之後其

家士水原平兵衛傳講不者負神体到此地造

祠安置于此時文治五年六月十日也

愛宕神社 不詳何時勸請

瀧明神社 同上社地有瀑布高可一丈五尺

佛宇九三

藥師堂 不詳何時創建

毘沙門堂 同上

觀音堂 同上

寺一

福壽山圓龍寺 曹洞宗登米郡米谷邑東陽

寺末寺傳云大器宗達和尚開山不詳其年

古墨凡三月 共不詳何人所居

葉坂邑

神社凡二

愛宕神社 不詳何時勸請

折石神社 名跡志曰未詳祭何神往昔宮祠

在今号宮下宅地後山鄉人曰鎮守明神相傳平城帝大同二年六月十四日神明去後山社地飛揚來倏忽裂其所有巨石而中

分之乃寓于其石中石形並立如屏自是以折石巖而入鄉黨稱破山明神以奇跡而為今神号指舊地呼之宮下宅其破裂所入之石巖今猶存焉本社北三十餘步田中有石相傳是神明之乘鞍化石曰之鞍石

寺一

破神山成善院葉坂寺 真言宗本郡舟迫邑

大光院末寺傳云往古開山不詳何時何人荒廢之後 明正帝寬永十九年宥清法印中興

成田邑

神社凡三

八幡社三 共不詳何時勸請

寺凡二

若宮山八幡寺西光院 真言宗本郡舟迫邑

大光院末寺不詳何時何人開山

荒神山長照院 曹洞宗登米郡米谷邑東陽

寺末寺不詳何時何人開山

古墨一子号館山不詳何人所居

小成田邑

神社一

總善社 不詳何時勸請

佛宇凡二

藥師堂 不詳何時創建

觀音堂 同上

寺一

瑠璃光山藥師寺 真言宗本郡舟迫邑大光

院末寺不詳何時何人開山

海老穴邑

神社一

白山權現社 不詳何時勸請

小泉邑

神社凡四

熊野神社 有神體鏡二個 一個無銘甚古物

也 一個有銘曰為藤原朝臣宗實祈禱也 寬

永元年甲子九月吉日大光院敬白 希文按

宗實者公族田手肥前宗實也 寬永元年

後水尾帝十三年也 此社其初不詳何時勸

請宗實領本邑再勸請之者也

神明宮 不詳何時勸請

愛宕神社 同上

祇園神社 同上

佛宇凡二

藥師堂 不詳何時創建

觀音堂 同上

寺一

虎嘯山龍泰寺 曹洞宗仙臺府下輪王寺末

寺傳云輪王寺第十二世州山全蓋和尚開

山不詳何時寺僧云 明正帝寬永十四年

丁丑五月二十二日全蓋示寂然則 後水

尾帝元和之比歟

古墨凡二

其一 傳云小泉四即傳諱不所居希文按古昔

公族有稱小泉者今其家以四即乃其先祖

乎

其二 傳云田手肥前宗實所居希文按宗實

初住于伊具郡角田城後移住于本邑

橋凡二各土橋

其一 在下号熊野下地長十間橫二間

其二 在下往邑田路長橫同上

西根莊邑田鄉 傳云奮與足立邑一邑也後分為

二邑有市店而驛也芝多主稅信憲采邑

神社凡八

白鳥神社 不詳何時勸請名跡志觀迹聞老

志共曰在驛北三町餘社南有寺曰大宮山

定龍寺寺僧釋寬源所藏緣起曰祀日本武

尊因為諸本宮社前有槻樹根圍七尺餘有

藤蔓糾纏樹身緣起載往昔源義家從父賴

義東征詣于宮社而寢二神前忽夢二甲士

佩雄劍執弓矢左右于白衣冠自言是乃日

本武尊左右乃大津武日命宿禰吉備武彦
命也。互以神德而加兵威于士卒也。父子誓
首再拜。明日軍中有白鶴一雙。白鳥一翼而
飛翔于旌旄之上矣。官兵張兵機。遂斃逆徒。
其際接兵危急。則藤蔓化龍。蜿蜒追敵。兵敗
走退。乃康平六年癸卯。賴家新經營宮社。以
賽于神明。後人呼藤蔓曰之龍。藤大高宮社
僧舉前說。嘗言非也。此地乃祭用明帝皇
子投河故乳母宮于隣。莊足立邑。是其證也。
詳大高宮下此說尤一說此社安倍賴時季

子白鳥八郎行任之靈也。以為宗。而後人建
祠以祀之。按此說亦不分曉。刈田郡大町邑
有片桐社。是乃行任之靈。而後人建祠祀之。
又曰白鳥明神。人皇十二代景行天皇第
二皇子神社。啓蒙曰白鳥明神。日本武尊歸
自東征而至伊勢。能褒野崩時年三十。仍葬
能褒野陵。其神化白鳥出指倭國而飛。群臣
開棺見之。空番明衣。白鳥停于倭。琴彈原仍
造陵。其處白鳥更飛至河內。留舊市邑。亦造
陵。故三陵曰白鳥陵。然遂高翔上天。從葬衣。

冠同書一說曰讚岐國有白鳥明神是倭武
尊也自伊勢國差西飛去止于此國云又曰
倭武尊化為白鶴西飛止讚州又曰大鳥神
社在和泉國大鳥郡一宮記曰日本武尊也
卜部兼熙說曰昔有白鳳飛來止是處天照
大神所化也故名大鳥白井宗因說曰日本
武尊化為白鳥之義似未可信焉蓋氣聚則
形成而生氣散則形化而死魂無不有之魄
無有之若彼冤死則鬱結不散之氣馮乎物
附于人為祟為妖平而斃者無之佛者所謂

人化為佛尚在所不顧也况人化為禽也於
日本武尊不取焉甚矣人之好怪也按宗因
之說得之且夫世人呼白鵠而号白鳥此鳥
元來毛羽純白故特稱來久矣則自純白言之
是以白鳥明神亦實以為白鵠也因茲崇敬
白鵠恰如神也自此方寸之差觸之則身體
痛馱之則牛馬汗食之則人忽吐血死是以
邑田大高川田宮等神稱白鳥則其神体乃
為白鵠不可疑是故柴田川田兩郡外建白
鳥神祠地共尊信恐怖白鵠殊甚矣於子子

孫孫亦不得食其肉為仰飛翔則羅拜席割烹則奮袂而逃避之夫白鳥之文字非指鵠而呼之凡素禽之通稱也滌來不能草舊滌入來不能出先入其所誤方寸之濫觴乃實出于日本武尊白鳥之說而遂所以固愚昧不肖之惑也可不慎哉

稻荷神社 不詳何時勸請

愛宕神社 同上

天神宮 同上

白山權現社 同上

山王權現社 同上

權現社 在本郡刈田兩郡界故土人曰之界

權現 不詳何時祭何神

八幡宮 名跡志曰相傳藤原朝臣政重嗣子

久重者 後花園帝永享三年辛亥九月重

陽日建之古鰐口今猶存然其人事實不詳

佛宇 凡三

藥師堂 不詳何時創建

彌陀堂 同上

辨財天堂 傳云 中御門帝正德五年十月

創建

寺凡四

西湖山龍島院曹洞宗越後州村上耕雲寺

末寺傳云賢岩和尚開山不詳其年月有

十七世負山君第七男伊達右衛門大尉宗

高墳墓寄附三十六石餘之地

大宮山定龍寺真言宗城州醍醐報恩院末

寺不詳何時何人開山

正眼菴無山號臨濟黃檗宗宮城郡吉成臨

山濟院末寺傳云東山帝寶永二年十月鳳

山和尚開山

若星山願勝寺淨土真宗京都東本願寺末

寺不詳何時何人開山

倉廩二 雜穀

古墨一 在川田郡南界故土人自古稱川田柴

田間城後陽成帝文祿中村田萬好齊居

之萬好十四世直山君之第九男民部宗

殖為村田家之嗣入道号萬好齊後石川大

和宗弘伊達右衛門大尉宗高居之

壇一 古來呼之曰上人壇四方有列樹之老杉

不詳其所以然也

道凡二

其一 歷管生驛 往名取郡道

其二 往刈田郡道

橋凡二 各土橋

其一 長七間 橫七尺

其二 長七間 半橫八尺

足立邑 本多彌門信義米邑

神社凡二

稻田明神社 名跡志曰 玄白鳥神祠 十二三

其町路上山頭有叢祠 祭用明帝皇子之乳

母土人稱 稻田明神 棟牒記曰 御乳明神有

寺曰 護福山袋原寺 事詳大高下

愛宕社 不詳何時勸請

佛宇凡三

藥師堂二 共不詳何時創建

觀音堂 同上

寺凡四

星城山松山寺 曹洞宗 本郡邑田龍島院末

寺不詳何時何人開山

松尾山松尾寺 真言宗川田郡宮驛蓮藏寺
末寺不詳何時何人開山
佛光山西安寺 淨土真宗京都東本願寺末
寺不詳何時何人開山
護福山袋原寺 天台宗仙臺府下仙岳院末
寺傳云舊妻帶而羽黑泚修驗也 東山帝
寶永五年覺照院純照請之為清僧開山僧
名不傳

孝子丸二人 邑民長五郎子長吉幼而能事其父母
其一

奉養親切下鄉稱之 今上帝寶曆二年十
二月賜金賞之

其二 邑民太次平事父母致孝 今上帝明
和五年賜金賞之

古星一 号星野城名跡志曰太乳母祠西北十
五町餘往昔星野志津摩者舊墟也

坂一 号火雨坂名跡志曰過星野館有長坂曰
之楊枝坂太坂西二町餘有羊腸登二屈曲
險隘此地石巖上有點二細穴如穿豆然相
傳太古時有火雨瀟二而降岩面焦爍其雨

痕悉鑿太郷俗曰之火雨坂又山畔有小石
形質如龍子曰之石鼓岩

橋凡二各土橋

其一 在号番崎前地長十二間橫二間

其二 在号滑澤地長八間橫二間

菅生邑 有市店而驛也

神社一

六社 権現社 不詳何時勸請

寺凡二

仲貴山龍雲寺 曹洞宗志田郡十石邑石雲

寺末寺傳云 後陽成帝文祿中石雲寺第

二世一陽和尚開山

圓融山妙頓寺 浄土真宗京都東本願寺末

寺傳云 正親町帝天正十年越中國滑川

窪田左衛門太郎者創建不詳開山僧名

支倉邑 有号碁石驛公族福原帶刀資生采地

神社凡三

熊野神社 不詳何時勸請

八幡宮 同上

神明宮 同上

寺凡三

圓長山圓福寺

真言宗仙臺府下龍寶寺末

寺不詳何時何人開山

妙法山泉藏寺

真言宗仙臺府下龍寶寺末

寺不詳何時何人開山

東壽山周道寺

淨土真宗京都西本願寺末

寺不詳何時何人開山

孝子凡二人

其一 邑民利吉事父母致孝

今上帝明和

五年十二月賜金賞之

其二 邑民大三郎事父母致孝 今上帝明

和五年十二月賜金賞之

川凡二

支倉川

碁石川 以上二川乃本郡小野邑北川前川

之流也

小野邑 有市店而驛也小野長七郎寬長古來米

地

神社凡二

諏訪八幡社 不詳何時勸請

熊野神社 同上

佛宇一

藥師堂 不詳何時創建

寺凡二

清雲山西福寺 真言宗仙臺府下龍寶寺末

寺不詳何時何人開山

光明山寶性寺 真言宗名取郡熊野堂邑神

宮寺末寺不詳何時何人開山

古墨一 小野家世居之

川凡二

北川 源出自本郡今宿邑羽州境山壑而會

川內邑太郎川至本邑支倉邑界入前川

前川 源出自本郡前川邑青根嶽而至本邑

支倉邑界會北川末流入名取川

砂金 莊前川邑 有号川碕驛伊達主殿村瀬采邑

神社凡四

神明宮 不詳何時勸請

藏主權現社 同上

雷神社 同上

山神社 在青根山中同上

佛宇凡二

觀音堂

不詳何時創建稱長橋觀音傳云慈

覺大師作佛宮城三十三所第四番札處也

藥師堂

在青根溫泉不詳何時創建

寺凡二

陽廣山龍雲寺

曹洞宗羽州高玉瑞龍院末

寺傳云

後土御門帝長享二年明應覺永

和尚開山

光明山安養寺

真言宗京都御室仁和寺末

寺不詳何時何人開山

溫泉

在号青根地傳云

後陽成帝天正之末

涌出名跡志曰屋下設湯舍東西六間南北

二間半板其半下迺湛湯之處也其上頭可

二間有溫泉而涌出於山間設木筧長短四

架二長筧直橫舍東而流下為左右短筧亦

令其落湯舍又去湯舍二間許有土橋令木

筧通于橋下而至下流又去此可三間別設

長筧橫三架而旋之及下湯舍方四間其筧

滴噴吐而落舍下病頭風者受之則忽得其

驗自泉源至此凡二十間又自坐中設小廊

至湛湯舍此處禁雜浴而不許為其下乃衆人郡集雜浴惟多東而牖下望之名取大倉山大森館等入座上來聊有興希文按湯泓有二其一号大湯治升氣頭痛打撲凡婦人血病其二号妙護湯治疝氣打撲眼疾濕瘡古墨一傳云公族砂金佐渡隆常所居今伊達主殿居之

物見巖名跡志曰太青根西南二十餘町長十四五間橫七八間赤色尤奇石也望石上則川田柴田名取邑落悉入目中而不求而會

佳境
片石 土人曰上片下片在溫泉以南長一町餘

橫四五間片如木板
熊野嶽 連川田郡藏王嶽

道凡三

其一 往羽州道

其二 歷小野碁石兩驛往名取郡道

其三 歷川内本砂金兩邑往名取郡道

今宿邑 有号筵谷野上地各有市店而驛也筵谷羽州界而封人守之

神社凡五

愛宕神社二 共不詳何時勸請

藏王権現社 同上

八幡宮 同上

雷神宮 同上

佛宇凡五

聖德太子堂 不詳何時創建

藥師堂 同上

虚空藏堂 同上

觀音堂二 其一同上其二在笹谷峠同上名

跡志曰踰截撐鳴駒鹿角之三羊腸而登播
盆坂左方有起雲疊雪峻嶺登伏越高坂東
仙臺城邑太白龜山諸山獻翠東海水濱嶋
嶼汎青盡入寸眸山勢之高峻可料于此自
是過朴木坂西北澗西北陵登悲閣稍至堂
前是便古稱關山地無也觀音是也有寺曰
東國山仙住寺本尊釋行基作斯地綠篠幽
邃故鄉俗呼篠谷山左畔起雲嶺橫卧閣外
右邊向仙岳及鋒鏑四山崢嶸岫嶙其奇絕
不可勝言相傳往古關山有山鬼伏山間闕

行客之往還捕之為食時山中有一雙鳥客
或不知山鬼之害而過關山則神鳥見山鬼
有無或鳴有也或啼無也故識有無而旅遊
鬼脫害也自是稱有也無也關是乃關山觀
音化神鳥呼而告之令旅覺彼有無以脫其
難後人建二閣於兩地稱有也無也觀音也
觀音堂在封內有鄉人話曰此地隆冬寒候
殊甚岳雪尤深故豫初冬每歲設假屋而防
護至來歲仲春而撤之其屋也架數木材木
以茆蓋之四壁皆然曰之雪架篠谷以東皆

薩埵坂界遠之甚矣仍曰之仙人嶽
名跡志曰悲閣以西已二町餘立石佛

地藏謂之地藏坂其西謂地藏原屬最上領
此佛本在地府而克導冥路好救大殤故立
于此寓導引死者來往之意仍呼曰賽河原
其地名屬三途川皆本冥府之号也故經歷
之客累細石而擬事實焉尤旁地曠濶平遠
謂之蓬原古詩所謂原野蓬生古戰場之意
馬首西來知是誰亦能邂逅焉乃奧羽之封
疆也自茲望最上領則月山湯殿山相連其

南山乃旭日嶺共高岳峻嶺四時戴雪常時帶雲其前山長谷堂山往年最上義光朝臣與會津上杉景勝接兵之地也其下乃山形城邑其南山陰峙一青山是所稱名地千代山也山頭有古松所謂阿古屋松是也北山曰蜂澤山其地有大悲閣曰唐松山觀音是所謂有也觀音也

八幡窟

名跡志曰其地曰東松嶺北曰鬱林峯共岑鬱蒼翠其山下聳峻岩數十丈下有巖洞相傳往昔八幡太郎義家朝臣東征之時

有_レ此設三冬所積之雪高於屋上故穿積雪而取容光于座間且設竇徑而通達於行路及比隣若行人旅客偶有來往則聽人語聲于屋上幾如涉於頭上故屋中晝暗日中多用燈火代晷以資其明云

寺一

東國山仙住寺

真言宗仙臺府下寶光院末

寺不詳何時何人開山傳云十八世義山

君賜黃金若干命造宮殿堂廿一世獅山

君享保中賜廩米三口

有也無也關 号筵谷峠詳于觀音下條
神仙嶽 其溪間号仙人澤名跡志曰在悲閣西
北冠衆岳鐘秀之神蹤也山下有岩窟可容
三四十人左邊溪流澗泉沈々澗清響濺々
作琴聲西畔半腹多碧洞蘚室幽户邃扉其
西南翠篠青青芳艸離々前程如展青蓮其
山顛也嶺雲溪霧靄靄搖曳殆異人境鄉老
曰大古有羽客地仙之徒而出没于山間棲
遲于岩洞隱見有無或有見之者也土地之
寂寥山川之蕭條皆古之舊墟故址也本凡

經過此地忽遇暴雨避之岩下古窟如今猶
存焉後人以八幡太郎武毅勇敢冠古今呼
之八幡窟戎狄聞其名而益懼武威之英名
也

古骨銅窟 名跡志曰前鬱林峯以南跨西南地
曰之古骨山其名之由此山出銅鑛因鑿師
集會穿山獲巨人朽骨其長已一丈餘仍為
山稱其時之鑿空穿穴之址今猶存

明神巖 不詳其所以然也
石橋 号長橋在号狸森澤地長三十間餘橫八

九尺高一丈餘自澤至嶺架之
瀑布凡三

其一 号大瀧高十六丈許橫二間許土人呼之曰仙人大瀧

其二 号不動瀑布在仙人澤高三丈餘橫二間許

其三 号橫瀑布在笹谷野上之間路傍高一丈五尺許橫十間許

道一 往羽州道
橋凡三各土橋

其一 号出渡戶橋長十一間橫二間

其二 号名乘橋長十一間橫二間

其三 号猪澤橋長十間橫二間

本砂金邑

神社一

熊野社 不詳何時勸請

寺一

龍虎山常正寺 曹洞宗本郡前川邑龍雲寺
末寺傳云曉堂門了和尚開山不詳其年月

川内邑

神社 凡九

天神宮 不詳何時勸請

山神社 同上

雷神社 同上

明神社 同上所祭之神不傳

熊野社 同上

愛宕社 同上

佛宇 凡四

藥師堂 不詳何時創建

太子堂 同上

瀑布一 号白瀧高五丈許橫五六尺許

山一 号憂思山名跡志曰在今宿邑境一崔嵬

曰之泣顏山一鄉將雨陰雲先昏此山頭於

是蒙知必雨後惡其鄉語之不好改文字曰

憂思山是乃取憂人有思則催淚顏之義

川一

太郎川 方言呼初生男兒曰太郎故凡稱物

魁曰太郎傳云仙臺城下始掛大橋時以本

邑山木為魁柱故名之源出自本邑大鎬山

而至号細工小屋地會北川

封内風土記卷之三 畢

ヨニ合スル

